

इवनिंग डोगरी न्यूज़ बुलेटिन
समे .18:15 Hrs

Headlines

1. लोकभवन जम्मू च अरूणाचल प्रदेश ते मिजोरम दा स्थापना दिवस मनाया। उपराज्यपाल होरें एक भारत श्रेष्ठ भारत आहली भावना गी बल देने पर जोर पाया।
2. सरकारै आखेआ जे 2019 मगरा 2023-25 च 7 करोड़ 85 लक्ख सैलानी जम्मू-कश्मीर आए न।
3. मुख्मन्त्री उमर अब्दुल्ला होरें समेंसिर भर्थी प्रति सरकार दी बचनबद्धता फही दोहराई। इस बरे 30 जहार असामियां पुर कीतियां जाडन।
4. मंत्री जावेद राणा होरें आखेआ जे रिंग रोड लेई जमीन हासल करने आस्तै इक जहार 784 करोड़ रपे ते जम्मू लेई 322 करोड़ रपे दित्ते गए न।
5. मंत्री सकीना इत्तू होरें आखेआ जे नशीले पदार्थे दी माड़ी कवैतू खिलाफ लड़ाई च विधायकें, बुद्धिजीविणें, धार्मिक नेताएं सने सभनें दा सहयोग लाजमी ऐ।

<><><><><><>

LG-Statehood

लोकभवन जम्मू च अज्ज अरूणाचल प्रदेश ते मिजोरम दा स्थापना दिवस मनाया गेआ। आकाशवाणी दे जम्मू संवाददाता नै जानकारी दित्ती ऐ जे उपराज्यपाल मनोज सिन्हा होरें इस मौके पर अरूणाचल प्रदेश ते मिजोरम दे लोकें गी मुबारकबाद दित्ती। उनें लोकें दी सेहत ते खुशहाली दे कन्नोकन्नी दौनें राज्यें दे तेजिया कन्नै समाजी आर्थिक विकास आस्तै प्रार्थना बी कीती। इस मौके पर बोलदे होई उपराज्यपाल होरें 'एक भारत श्रेष्ठ भारत' दी भावना गी बरकरार रखने दे महत्व पर बी जोर पाया। उनें आखेआ जे भारत दा सांस्कृतिक ते आध्यात्मिक विरसा, इसी दुनिया थमां बक्खरा बनांदा ऐ। एल.जी होरें आखेआ जे अरूणाचल प्रदेश ते मिजोरम, मुल्ले दे सांस्कृतिक विरसे ते एकता दे प्रतीक न। उनें आखेआ

<><><><><><>

Govt. Tourist

केंद्र शासित प्रदेश जम्मू-कश्मीर च 2019 मगरा सैलानिएं दी आमद च बाद्दा होआ ऐ। 2023 थमां 2025 तगर 7 करोड़ 85 लक्ख सैलानी जम्मू-कश्मीर आए न जिसलै कि एह्दे थमां पैहले 2016 थमां 2018 बश्कार 4 करोड़ 76 लक्ख सैलानी इत्थे आए हे। आकाशवाणी जम्मू संवाददाता दी रिपोर्ट मूजब मुख्मन्त्री उमर अब्दुल्ला, जिंदे कश सैलसफा मैहकमे दा प्रभार बी ऐ, होरें विधानसभा च पिछले त्रशूंक ब'रें च सैलानी थाहें पर लोकें दी आमद बारै दस्सेआ। उनें 2019 थमां पैहले ते 2019 थमां बाद दे आंकडे बी सदन च रक्खे। इनें आंकडें मूजब 2023 थमां 2025 तगर 7 करोड़ 85 लक्ख सैलानिएं जम्मू-कश्मीर आए न।

<><><><><><>

CM-Vacancies

मुख्मन्त्री उमर अब्दुल्ला होरें आखेया ऐ जे सरकार चालू बरे च समे बद्ध ढंगै सिर 30 हजार असामिएं गी पूर करौगा। एहू गल् मुख्मन्त्री होरें प्रश्नकाल दौरान प्रोफैसर गारु राम भगत हु'न्दे आस्सेआ पुच्छे गेदे सोआले दे परते च आक्खी। मुख्मन्त्री होरें सदन गी जानकारी दित्ती जे बक्ख बक्ख मैहकमें च समे समें पर असामिएं दी लोड हुन्दी ऐ। एदियां केई बजह न जिया फिल्ड सतह दा अमला, कर्मचारिएं दे पिनशनी होने मगरा, केईए दे इस्तीफा देने करी ते फीहू होर प्रशासनिक बजहें करी औहदे खाली हुन्दे न ते उनें गी पूर करने दी लोड हुन्दी ऐ। उनें आखेया.....(बाईट)

<><><><><><>

CM Zakat Regularization

मुख्यमंत्री उमर अबदुल्ला होंरें विधानसभा च एहू गल्ल साफ कीती ऐ जे किशतवाड च जकात ते दान दे नियमन दे सरबंधे च हाल च जारी हुकम, धार्मिक मामलें च दखलंदाजी नेई ऐ। सदन दी कार्रवाई दरान विधायक निजामुद्दीन भट्ट होंरें इस मामले पर चैंता प्रगट कीती। इक होर सदस्य गुलाम अहमद मीर हुंदा इस बारै कथित तौरा पर आखना हा जे सरकार धार्मिक तौर-तरीकें च दखल देआ'रदी ऐ। इनें चैंताएं दा परता दिंदे होई मुख्यमंत्री होंरें आखेआ जे रमजान दे पवित्तर म्हीने शा पैहले सभनें डिप्टी कमिशनरें गी निर्देश दित्ते गे न जे ओहू मकामी हितधारकें कन्नै तालमेल बनाइयै उचित इंतजाम यकीनी बनान। उनें आखेआ

<><><><><><>

Land Compensation

सरकार नै अज्ज विधानसभा गी जानकारी दित्ती जे जम्मू-कश्मीर च रिंग रोड परियोजनाएं तैहत हासल कीती गेदी जिमीं दा मुआवजा केंद्री शिडक यातायात मंत्रालय ते केंद्र शासित प्रदेश सरकार बश्कार 90 अनुपात 10 दी हिस्सेदारी कन्नै तय नियमें मताबक दित्ता जा'रदा ऐ। मंत्री जावेद अहमद राणा होंरें मुख्यमंत्री हुंदी तरफा विधायक देवयानी राणा हुंदे आसेआ पट्टे गेदे सोआलै दा परता दिंदे होई आक्खी। मुआवजे दा ब्यौरा दिंदे होई मंत्री होंरें दस्सेआ जे जम्मू संभाग च मुआवजे लेई जारी कीती गेदी कुल रकम 270 करोड़ 11 लक्ख रुपें चा 244 करोड़ 43 लक्ख रुपे बंडी दित्ते गेदे न। कश्मीर संभाग च जारी कीते गेदे 1 ज्हार 514 करोड़ 34 लक्ख रुपें चा 1 ज्हार 450 करोड़ 94 लक्ख रुपे पैहले गै बंडे जाई चुके दे न। इस बारै जानकारी दिंदे होई मंत्री होंरें आखेआ

<><><><><><>

Itoos Drug Abuse

सेहत ते मेडिकल शिक्षा सरबंधी मंत्री सकीना इत्तू होंरें आखेआ जे जम्मू-कश्मीर थमां नशीले पदार्थें दी माडी कवैतू खलाफ लडाई च विधायकें, वरिष्ठ नागरिकें, बुद्धिजीविणें, समुदायिक मिम्बरें ते धार्मिक नेताएं सने आम लोकें दी बरोबर जिम्मेदारी बनदी ऐ। एहू गल्ल मंत्री होंरें नशीले पदार्थें दी माडी कवैतू खिलाफ विधायकें पीरजादा फारूक अहमद, सुरजीत सिंह सलाथिया, अली मोहम्मद सागर, गुलाम मोहीउद्दीन मीर हुंदा सोआलै दे परते च सदन च आक्खी। उनें आखेआ जे मैहकमे नै इस भेठा केई जत्त कीते न।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश अंतरराष्ट्री मां बोली ध्याडे- दे सरबंधे च 21 फरवरी 2026 गी 30 मिंटें दी अवधि आला इक खास चर्चा कार्यक्रम प्रसारित करने जा'रदा ऐ। इस खास प्रसारण दा विशेषार ऐ-Youth voices on multilingual education यानि बहुभाषी शिक्षा बारै नौजोआनें दी आवाज। एहू कार्यक्रम शनिवारें 21 फरवरी दपैहरी साडे 12 बजे प्रसारित कीता जाहगा। यूनिवर्सिटी ऑफ जम्मू दे डोगरी विभाग दी साबका प्रमुख प्रो. वीणा गुप्ता होर एहदे च स्टाडी परौहिनयां न जेडियां विषे पर अपने माहिराना विचारें गी स्टाडे कन्नै सांझा करडन। इस कार्यक्रम दी मेजबानी स्टाडी न्यूज एंकर श्रुति खजुरिया होर करडन। पेश ऐ इस कार्यक्रम दी इक लौहकी जनेई झलकी

<><><><><><>

Ayush Ramban

आयुष मैहकमा रामबन आसेआ रामबन च केई सारे शिविर लाए गए तां जे लोकें गी मुफ्त परामर्श, दोआइयां ते उन्दी जांच कीती जाई सकै। इस दरान लोकें गी आयुर्वेद योगा, यूनानी, सिद्धा ते होमोपैथी आहले तरीके राएं जांच कीती गेई। एहू शिविर रामबन दे ग्रामीण इलाके च लाए गे जिंदा मकसद पूरी पराती सेहत सरबंधी दिक्खभाल ते रोग प्रतिरोधक शक्ति गी बदाना हा। लोकें च नियमित तौर पर रोग-प्रतिरोधक क्षमता बदाने आहिलियां दोआइयां बी बंडियां जंदियां न। इनें जतनें गी आयुष रामबन दे जिला नोडल अफसर हुंदा दिक्ख-रिक्ख च चलाया गेआ। इस बारै होर मती जानकारी दिंदे होई जिला योग कोआर्डिनेटर डॉ. मसूद इकबाल होंरें आखेआ

<><><><><><>